

SOOMAALIYA

HAWLGALLADA UGU MUHIIMSAN

5-TA ABRIL 2020



KA HORTAGGA FAAFITAANKA COVID-19 GUDAHA SOOMAALIYA

Coronavirus wuxuu khatar caafimaad ku hayaa bulshooyinka ay saameeyeen dagaallada iyo rabshadaha, dhibaatooyinka cimilada, iyo barakaca gudaha Soomaaliya. ICRC iyo Ururka Bisha Cas ee Soomaaliyeed (SRCS) ayaa waxay qaadayaan tallaabooyin degdeg ah si ay ula dagaallamaan COVID-19 soo gaaray dalka. ICRC waxay barnaamijyada hadda jira ka dhigaysa kuwo lagula tacaali karo fayruska iyadoo isla markaasna sii wadaysa shaqadeeda lagu taageerayo bulshooyinka ay saameeyeen iska-horimaadyada hubaysan iyo rabshadaha. Si wada jir ah, ICRC iyo Ururka Bisha Cas (SRCS) labadaba waxay tababareen shaqaale iyo mutadawiciinta Ururka Bisha Cas iyada oo ujeedadu tahay kor u qaadista wacyiga ku saabsan COVID-19 iyo tallaabooyinka ay tahay in la raaco si looga hortago in cudurkaan sii fido.



BULSHOYINKA DHEXDOODA

ICRC iyo Ururka Bisha Cas waxay caawimaad gaarsinayaan bulshooyinka, oo ay ku jiraan dadka barakacay, si looga hortago ku faafida COVID-19 degaannada ay ka shaqeeyaan **29-ka** xarumaha daryeelka caafimaadka aasaasiga ah (PHC) ee Ururka Bisha Cas oo ay taageerto ICRC ee koofurta iyo bartamaha Soomaaliya. Somaliland iyo Puntland, Ururka Bisha Cas waxay hawlo isku mid ah ka fulinayaan **35** xarumaha daryeelka caafimaadka aasaasiga ah (PHC) oo ay taageerayaan xubno kale oo ka socda Dhaqdhaqaaqa Laanqayrta Cas iyo Bisha Cas.

- **302** mutadawiciin iyo **378** shaqaale caafimaad ayaa loo tababarey farriimaha ka hortagga 'Covid-19' oo ka kala socda, Banaadir, Jubbada Hoose, Gedo, Shabeellaha Hoose, Hiiraan, Shabeellaha Dhexe iyo Galmudug.
- **3,987** kulamo dhiirrigelinta caafimaadka oo ahaa kooxo ka kooban **10** xubnood ayaa iyadoo loo maraayo shaqaalaha caafimaadka iyo hoggaamiyayaasha diinta lagu qabtay degaannada ay ka shaqeeyaan xarumaha





daryeelka caafimaadka aasaasiga ah (PHC); **38,634** qof ayaa ka soo qaybgalay kulannadaas lagu kala qabtay gobollada Banaadir, Jubbada Hoose, Gedo, Hiiran, Shabeellaha Hoose, Shabeellaha Dhexe iyo Galguduud.



- **29**-ka xarumood ee Daryeelka Caafimaadka Aasaasiga ah oo ay taageerto ICRC, ayaa waxaa laga diyaariyay **35** goobood oo loogu talagalay gacmo-dhaqashada, halka **1,703** litir oo koloriin ah loo adeegsaday ujeedooyin jeermis dil ah iyo **9,899** xabbo oo saabuun ayaa laga qaybiyey.



- **32,131** xabbo oo saabuun ayaa loo qaybiyey bulshooyinka.
- Shaqaalaha Ururka Bisha Cas iyo mutadawiciinta fadhigoodu yahay **29**-ka xarumo caafimaad oo ku kala yaala koonfurta iyo bartamaha Soomaaliya ayaa loo tababarey raadinta dadka xiriirka lala yeeshay ayna diyaar u yihiin bixinta adeeggan mar kasta oo kiisas(xaalado) soo muuqdaan.



- Waxaa isbitaalka Madiina ee Muqdisho la gaarsiiyay teendhooyin loogu talagalay in loo isticmaalo go'doominta, haddii ay jirto baahi.



- Si bulshada guud ahaan loo gaarsiiyo farriimaha ka hortagga, barnaamij idaacadeed



- ayaa laga baahinaaya **10** idaacadood dalka oo dhan.

Iyada oo u maraysa waxqabadyadeeda kor u qaadista fayodhowrka bulshada, ICRC iyo Ururka Bisha Cas iyo kooxdeeda mutadawiciinta ah ayaa sameynayaan booqashooyinka guriga iyagoo bixinaya macluumaad ku saabsan COVID-19, saabuun iyo kiniiniyada koloriinka ah.

- **8.5** milyan oo kiniiniyada koloriinka ah iyo **284,856** xabbo oo saabuun ayaa lagu diyaariyey sagaal-ka laamood ee Ururka Bisha Cas. Ololaha wacyigelinta fayodhowrka bulshada ayaa la qorsheynayaa in la gaarsiiyo in ka badan **720,000** oo qof oo ku nool degaannada webiyada maraan.

- **28** mutadawiciin oo ka tirsan Ururka Bisha Cas ayaa loo tababaray faafinta farriimaha dhiirrigelinta fayodhowrka iyo ka-hortagga COVID-19 ee Baardheere iyo Ceel Waq. **1,400** kulamo ku saabsan macluumaad oo loogu talagalay ka-faa'ideystayaasha ayaa la qabtay.

- **8,055** qoys (**48,330** ka-faa'ideystayaal) ayaa hadda helaya saabuun iyo kiniiniyada koloriinka ah oo ay weheliso qaybinta buugagta yar yar oo ka hadlaya ka-hortagga COVID-19 ee xeryaha barakacayaasha degmada Baardheere.



QAAB-DHISMEEDKA BARNAMIJKA DIB-U-SOO CELINTA XIRIIRKA QOYSKA(RFL)EE URURKA BISHA CAS/ICRC

Dhammaan mutadawiciinta Barnamijka Dib-u-Soo Celinta Xiriirka Qoyska ayaa waxaa la siiyay xogo ku saabsan farriimaha ka-hortagga COVID 19. Agab dhiirrigelinta caafimaadka ah ayaa loo qaybiyaa **6** deegaan oo ku yaala Muqdisho iyo **3** deegaan oo ku yaala Baydhaba.



MEELAHA XABSIYADA AH

In ka badan **20** xabsi, ayaa macluumaad ku saabsan ka hortagga COVID-19 iyo agabka fayodhowrka laga qeybinaya. Goobaha ay dadku ku badan yihiin ayaa waxaa la gaarsiin doonaa tallaabooyinka fayodhowrka oo dheeraad ah iyo, meelo loogu talagalay gacmo-dhaqashada ayaa loo diyaarin doonaa.



- Macluumaadka ka-hortagga COVID-19 oo ay la socdaan boorar iyo qalab kale ayaa la siinayaa dhammaan maxaabiista, shaqaalaha xabsiga iyo maamulayaasha.



- Alaabta fayodhowrka ayaa loo qaybiyay dhammaan maxaabiista iyo shaqaalaha Xabsiga Dhexe iyo dhismaha Maxakamadda Muqdisho iyo sidoo kale Xabsiga Dhexe ee Kismaayo si ay u daboolaan baahidooda lixda bilood ee soo socota.



- ICRC-du waxay sidoo kale la shaqeyneysaa mas'uuliyiinta xabsiyada si loo xoojiyo awoodooda ay ku bixiyaan adeegyada talefoonka si loogu ogolaado maxaabiista in ay la xiriiraan qoysaskooda inta lagu guda jiro hakinta booqashooyinka qoyska.

ICRC Somalia Delegation
Denis Pritt Road
P.O. Box 73226 – 00200
T +254 20 2719 301
Nairobi, Kenya

Xafiisyadha ICRCda ee Mogadishu, Kismayo,
Garowe, Baidoa, Jowhar and Hargeisa.
www.icrc.org
© ICRC, April 2020

ICRCdu waxay caawisaa dadka adduunka ee ay saameeyeen coladaha hubaysan iyo xaaladaha kale ee qalalaase, iyadoo sameynaya wax kasta oo ay awooddo si ay u ilaaliso sharaftooda una yareeyso dhibaataadooda, waxayna badiyaa la shaqeysaa Laanqayrta Cas iyo Bisha Cas. Hay'adda waxay kaloo raadinaysaa in ay ka hortagto caqabadaha iyadoo horumarinaysa isla markaana xoojinaysa xeerka aadamnimada, waxayna kale kor u qaadaa mabaadii'da bani'aadamnimada ee caalamiga ah.

facebook.com/ICRCAfrica
twitter.com/ICRC_Africa

instagram.com/icrc_afrique
blogs.icrc.org/Somalia

ICRC